

靖齋說醫

婺源汪蓮石題

圖2

9



靖盦說醫

余肇康署



乙丑仲春
刊于上海



善化周君墓碣銘

湘陰郭焯瑩纂文

君諱聲溢字濩生號靖盦晚號雲隱其先江蘇吳縣
周氏五世祖徙家湖南大父學附君夢熊占籍善化
補長沙府學生考京卿君樂舉道光甲辰恩科鄉試
第四人歷官湖北漢陽府荊州府知府擢補用道光
緒三十年重宴鹿鳴呂耆賢晉三品卿銜妣湘潭胡
氏封夫人生妣沅江祝氏用君官封太恭人又用孫
世楷官晉夫人君年二十與兄桐城縣知縣聲洋並
試諸生高等有名光緒戊子科兄充優貢生而呂君
貳其選己丑恩科舉湖南鄉試兄亦舉順天鄉試時



京卿君春秋高兄弟更番試禮部二十年君應禮部
試聞太祝疾亟馳還而太祝已棄養晝夜悲痛至病
狂易累月乃瘳既終喪絕意場屋日娛侍京卿君未
忍暫去其側援例爲內閣中書訖不赴選君爲學尙
精博務切於用不喜牽文拘誼早歲嫻精鄴書定箸
說文解字逸篇後更治易條疏所心得爲讀易小記
它說經讀子論史議事散見文集者甚衆壹原本窮
理盡性之學規倅經世制事之方抉發隱閉氣盛言
宜咸曲應當務中失旣倦心仕進恥巨空言自託盡
屏去之獨潛心醫術頗自矜重視世醫不盡通五學



經傳未足與語治病方多奇試之輒驗衆醫目眩舌
撝莫愈其要領諸老先及見學附君者乃吒服君方
數大類近君徵得世所傳誦治病狀推見指意盡精
審可據依亦自信能世其學也晚更世變遷寄上海
託興詩詞以自娛遣夙工作小篆時復爲人精寫皆
嬾不收拾暇卽論次診灋及藥宜忌大要爲靖盦說
醫又具記所治有驗並它於灋不治者爲醫學實驗
參相證發授其子傳以教人俾知慎疾毋爲庸醫誤
足徵君意量閎濟一世非屑爲露材揚己已京卿君
家教嚴肅君自僮時卽習爲束修凡儉終其身無隕



越顧任俠自喜以急難造門請欵者日不暇給委曲
規畫各塞其意以去雖頗負欺終不咎悔內而羣從
外而姻亞與均欣戚歡洽無間接御卑幼獎善規過
務竭其誠下逮臧獲恩意周至先世僕從舉措謬舛
未嘗譴讓尤謹事兄兄性獯絜厭倦外事與君異趣
常內懼行或不曲當其意得兄嘉與卽大喜慰兄亦
能友君無所訶賁娶蒲圻但氏署湖南布政使糧儲
道湘良次女賢明有禮事無鉅細君咸咨諏之處決
疑難消彊猜忌用成君雖睦之化先君七年瘁子世
楷三品銜法部郎中世枚女子子五皆適仕族孫三



女孫一並守君教仍世不隊政成於家何必當官足
比量其功效哉君生咸豐十一年七月辛亥越五十
七載丁巳歲五月丁巳粹明年葬長沙河西麓山鎮
嵇嵇山之陽負戌面辰爲塋基越七載世檣樹碣墓
上徵銘於湘陰郭焯瑩銘曰

醫與相爭良閔其仁於無量也而醫名者奚必仁之
勿戕家與國爭光類其惠於不僵也而家榮者奚必
惠之能將賢固不屑詭衆以矜異衆自莫得冒賢以
齊行惠唯君知而仁唯君克當旌善其墓昭示羣盲



序

惜抱先生嘗言醫之爲道至精且厚苟非慈明篤厚之君子不能究其義雖有慈明篤厚之心苟不世業而少習猶不能盡其曲折變移之理審其幾微而察其離合余因慨夫中國士大夫視醫爲曲技習之者往往挾負販之心作身口之計故其道益微其術亦因而寡驗自西方之術入中國藥物器械居處飲食皆精好有法度用之而多效羣以爲中國醫術不如遠甚又孰知夫聖人之制久而失傳習之者又多非其人也使得明王在上博求慈明篤厚之君子設科



而世守之因其遺書博稽精研而取證西方之術於
先聖之業縱不能驟明十可得五六焉長沙周郢生
大令嘗宰吾邑間爲余稱其弟濩生中書通說文工
小篆大父少呂先生故名醫也中書盡得其祕余心
識之今年與大令相遇京師出中書二書曰靖盦說
醫醫學實驗乞余爲序其詞斐然有根本又多得於
躬驗非所謂慈明篤厚之君子世業而少習者耶惜
乎君已前卒余也寡陋不能如惜抱少覽方書無以
窺見君之所得也乃述往者私懷所蘊書以歸之郢
生云己未中秋桐城姚永概



序

內經言醫理推本陰陽外之淫於六氣內之傷於七情皆得以陰陽之理賅之而文義古奧後人苦其難讀遂謂五運六氣之說羌無故實舍正路而不由自以爲循曲徑而求通別有其簡易之道於是醫家之偏僻謬妄者或師心自用或立異鳴高互數千年而不可究詰豈知病必有其所由來亦必有其所由受人身皮毛肌肉關節經絡之不同與表裏上下左右深淺之各異病之來也各有其因而其受之也亦各有其處不知其因復不知其處是必舍病不治而轉



傷其無病之臟腑是醫藥非所以生人而轉以殺人
矣奚其可哉昌嘗謂內經者醫之體也而其用則爲
仲師之傷寒論傷寒分三陰三陽以論治舉凡經之
爲病氣之爲病表之爲病裏之爲病府之爲病以逮
合病并病無不有其規矩言傷寒而雜病賅焉坦坦
然至簡至易之道也然而難爲俗人言之斯醫術之
不幸而斯人之大不幸也昌也蓋不勝風雨鷄鳴之
感垂五十年矣乃者嘗與長沙周雲隱先生遇與論
醫而合蓋其體內經而用傷寒論也又能神明於規
矩心嚮往之無何先生歸道山越七年先生之子筠



伯輯先生所爲醫學二書將付梓人而來請序莊誦
一過其所得於內經傷寒者不獨升堂且入於室歡
喜讚歎未能自己謹述所懷以爲之序
癸亥立冬前十日婺源汪巖昌時年七十有六

即之史下要全
生曰述所



序

善化周君筠伯弟錄先德雲隱中書靖盦說醫醫學
實驗二書余既從受讀詳其大要蓋掣精靈素以咳
體之全通變張機傷寒以盡用之大而突戒墨守一
篇之中三致意焉先是中書大父少呂贈公以醫術
名世顧未有書輒時從所得諸傳聞窺探岐治之奧
齊盃之宜默識心通隱如及親承教先世絕業豸復
大光爲人疏方每多縣解見者始或吒怪異古師說
既乃大服無間言昔墨翟莊周博極羣書及各引叟
古誼成一家言並糟魄陳言規瑱學人廢讀是拘牽



文句之中無能通意文句之外其流之蔽將不可勝
原況於消息含易之微剖析形氣之變衡量藥味之
滋神而明之存乎其人尤難爲泥執乎中書反復發
正戒無輕言治醫特自揭所心得開示涂徑之從入
壹原本五學無待它求能精五學推而致之醫有餘
師焉五學未明貿然覬醫嫻精終必不能爲十全也
雖不爲醫循五學以講於生之自衛抑病可卻年可
延亦絕殊嫻務怪迂之蔽惑已班固叙方技爲四種
醫經原血脈經絡骨髓之本經方辦五苦六辛水火
之齊此切脈服藥以起疾者也得中書爲發凡起例



然後黃農之祕可得而述卽論病及國原診知政且
鑿然內信於心皆有徵驗矣房中節外樂內情之淫
神僊保賦性受命之真此調息窒欲以衛生者也得
中書爲挈綱舉要然後廢絕諸誕欺謬悠之文反求
之五學皆生生之具烏睹取效有後房中神僊哉是
故中書操術世頗驚歎其神奇及徵攷遺說固自平
實有徹蹟可循聖王之所以教王官之一守賴以不
隊失豈僅能世其業張一家之私說歟而醫人讀之
不迷於受方無患爲罔病夫讀之粗明病所從受亦
無患爲殆中書之書一世於無涯之年功亦豈在禹



下耶中書宅譔述甚富筠伯以是二書最爲切要先
殺青以傳可謂善繼述者也故爲叙列其大指俾覽
者知所折衷焉甲子冬湘陰郭焯瑩叙

